



5221 01

Broj: 06-11-14/21-49
Ilidža, 16.03.2021.g

Matteyal za 2. redovnu sjednicu
Jewege Plo

17-03-2021

OPĆINA ILIDŽA
Općinsko vijeće

PREDMET: Dostava Odluke o izmjenama i dopunama odluke o jedinstvenim kriterijima finansiranja djelatnosti nevladinih i neprofitnih boračkih udruženja/saveza

U prilogu dopisa dostavljamo Vam Odluku o izmjenama i dopunama odluke o jedinstvenim kriterijima finansiranja djelatnosti nevladinih i neprofitnih boračkih udruženja/saveza na usvajanje.

S poštovanjem,

PRILOG:

- Odluka o izmjenama i dopunama odluke o jedinstvenim kriterijima finansiranja djelatnosti nevladinih i neprofitnih boračkih udruženja/saveza

Izradila: Nermina Udvinčić Udvinčić
Kontrolisao: _____

DOSTAVLJENO:

1x Naslovu
1x Evidencija
1x a/a

POMOĆNIK OPĆINSKOG NAČELNIKA
ZA FINANSIJE

Benjamin Mešak, dipl. ecc.





Broj: 06-11-14/21-48
Ilidža, 16.03.2021.g



OPĆINSKI NAČELNIK

PREDMET: Davanje saglasnosti Općinskog načelnika na materijal za sjednicu Općinskog vijeća

U prilogu Vam dostavljamo materijal kako bi na isti dali svoju saglasnost i to:

1. Odluku o izmjenama i dopunama odluke o jedinstvenim kriterijima finansiranja djelatnosti nevladinih i neprofitnih boračkih udruženja/saveza

DOSTAVLJENO:
1x Naslovu
1x Evidencija
1x a/a

**PO OVLAŠTENJU: OPĆINSKOG NAČELNIKA
POMOĆNIK OPĆINSKOG NAČELNIKA
ZA FINANSIJE**

Benjamin Mešak, dipl. ecc



VI. ZAVRŠNE ODREDBE

Član 9.

Na pitanja koja nisu regulisana ovom Odlukom, primjenjivat će se Zakon o budžetima u Federaciji Bosne i Hercegovine.

Član 10.

Ova Odluka stupa na snagu narednog dana od dana objavljivanja u "Službenim novinama Kantona Sarajevo", a primjenjivat će se od 01.01.2010. godine.

Broj 01-02-2363/09-2
28. decembra 2009. godine
Ilidža

Predsjedavajuća
Dr. Smiljana Viteškić, s. r.

Na osnovu člana 13. Zakona o principima lokalne samouprave u Federaciji Bosne i Hercegovine "Službene novine Federacije BiH", broj 49/06, 51/09) i člana 120. Statuta Općine Ilidža ("Službene novine Kantona Sarajevo", broj 5/98), Općinsko vijeće Ilidža, na 10. redovnoj sjednici održanoj 28. decembra 2009. godine, donijelo je

ODLUKU

O JEDINSTVENIM KRITERIJIMA FINANSIRANJA DJELATNOSTI NEVLADINIH I NEPROFITNIH BORAČKIH UDRUŽENJA/SAVEZA

Član 1.

Ovom Odlukom utvrđuju se jedinstveni kriteriji o finansiranju djelatnosti nevladinih, neprofitnih boračkih udruženja/saveza od općinskog posebnog društvenog interesa i značaja koji su registrirani kod nadležnih ministarstava, imaju sjedište, programski djeluju na i za članove boračkih udruženja/saveza i utvrđuje način, kriterije i uslove finansiranja na području Općine Ilidža.

Član 2.

- I. Opći kriteriji za finansiranje redovnih djelatnosti i projektnih aktivnosti boračkih udruženja / saveza iz Budžeta Općine:
 - Rješenje o registraciji od nadležnih ministarstava;
 - Izvještaj o radu i finansijski izvještaj za prethodnu godinu, usvojeni od strane Skupštine udruženja / saveza;
 - Finansijski izvještaj za prethodnu godinu ovjeren od AFIP-a;
 - Program rada za narednu godinu sa obrazloženjem, usvojen od strane Upravnog odbora udruženja/saveza;
 - Finansijski plan za narednu godinu usvojen od strane Upravnog odbora Udruženja/saveza;
 - Izvještaj nezavisne revizorske kuće za prethodnu godinu za udruženja koji ima je iz Budžeta Općine I lidža izdvojeno preko 20.000,00 KM;
 - Misije i ciljevi Udruženja/saveza;
 - Osnovne aktivnosti Udruženja/saveza.
- II. Posebni kriteriji su:
 - Broj izdatih članaka u knjižici i plaćene članarine za prethodnu godinu;
 - Broj stalno zaposlenih u udruženju/savezu;
 - Specifične potrebe članova udruženja/saveza;
 - Ostvareni direktni i indirektni prihodi, nefinansijska i materijalna korist ili pomoć s vanjskih izvora prihoda (viših nivoa vlasti, privatnog sektora, javnih ustanova, međunarodnih organizacija i institucija) prethodne godine udruženja/ saveza;
 - Prihodi od nesrodne djelatnosti ili poslovno osnovanog pravnog lica prethodne godine udruženja / saveza;
 - Broj uspješno implementiranih projekata prethodne godine udruženja / saveza;

Član 3.

Finansiranje udruženja/saveza iz člana 1. ove Oduke vršit će se iz Budžeta Općine: Grant boračkih udruženja/saveza na slijedeći način:

- a) 50% sredstava planiranih Budžetom Općine za ove namjene dodjeljuju se za redovnu djelatnost;
- b) 50% planiranih sredstava Budžeta Općine za ove namjene dodjeljuju se za finansiranje projektnih aktivnosti utvrđenih u Statutu udruženja/saveza koji apliciraju za svaku budžetsku godinu.

Član 4.

Finansiranje projektnih aktivnosti iz člana 3. tačke b) udruženja/saveza vršit će se na osnovu slijedećih općih kriterija:

- Značaj aktivnosti apliciranog projekta za općinu;
- Broj direktnih i indirektnih korisnika predviđenih u projektu;
- Efekti projekta sa aspekta koji su evidentni i mjerljivi;
- Iznos zatraženih sredstava za implementaciju projekta ne smije prelaziti 15.000,00 KM
- Finansijska podrška se dodjeljuje za implementaciju projekta u vremenskom periodu od jedne godine;
- Prijedlog projekta za finansijsku podršku treba biti napisan na najviše 6 (šest) stranica (ne uzimaju se u obzir propratni akti i prilozi);
- Finansijska podrška neće biti odobravana za investicije, stručno usavršavanje, školovanje, fondacijama, u svrhu prikupljanja sredstava;
- Održivost i nastavak projekta za duži period;
- Reference, mišljenja i pohvale od ranijih realiziranih projekata;
- Inovativnost u rješavanju potreba korisnika projekta.

U realizaciji odobrenih projekata udruženja / savezi mnogu koristiti 20% sredstava za administrativno tehničke poslove od ukupnog iznosa odobrenog budžeta projekta.

Član 5.

Sredstva se dodjeljuju na osnovu javnog poziva.

Javni poziv se objavljuje u sredstvima informisanja, oglasnoj ploči Općine, oglasnim pločama MZ i na zvaničnoj web stranici Općine Ilidža.

Javni poziv za apliciranje dodjelje sredstava za redovnu djelatnost objavljuje se 1. novembra tekuće godine i traje 15 (petnaest) dana od dana objavljivanja.

Aplicirati za dodjelu sredstava finansiranja redovne djelatnosti mogu udruženja/savezi koji ispunjavaju kriterije člana 1. i člana 2. Odluke.

Javni poziv za apliciranje dodjelje sredstava za projektne aktivnosti objavljuje se nakon usvojenog Budžeta Općine za narednu godinu i traje 30 (trideset) dana.

Aplicirati za dodjelu sredstava projektne aktivnosti mogu udruženja/savezi koji ispunjavaju kriterije iz člana 1. i člana 4.

Javni poziv za dodjelu sredstava za redovnu djelatnost i projektne aktivnosti objavljuje općinski Načelnik.

Član 6.

Visinu i raspored budžetskih sredstava za finansiranje redovnih djelatnosti udruženja / saveza predlaže Općinski načelnik na osnovu dostavljenih aplikacija javnog poziva udruženja/saveza i primjene kriterija iz člana 1., 2. i člana 3. ove Odluke.

Odluku o visini i raspodjeli sredstava za finansiranje redovne djelatnosti udruženja / saveza i visini sredstava za projektne aktivnosti donosi Općinsko vijeće u skladu sa članom 3. Odluke.

Član 7.

Zahtjev za dodjelu sredstava po raspisanom javnom pozivu, udruženja/savezi podnose na posebnim obrascima za aplikaciju u dva primjerka i CD, koji su sastavni dio ove Odluke.

Član 8.

Doznačavanje finansijskih sredstava za redovnu djelatnost udruženja/saveza vrši se Općinski načelnik mjesечно po usvajanju Budžeta općine za tekuću godinu.

Član 9.

Na osnovu utvrđene visine sredstava za projektne aktivnosti udruženja/saveza od strane Općinskog vijeća i zaprimljenih aplikacija po javnom pozivu od strane udruženja/saveza, Komisija za boračka pitanja, rad, zdravstvo i socijalnu politiku Općinskog vijeća uz stručnu pomoć Službe za boračka pitanja vrši procjenu prijedloga projekta pridržavajući se kriterija iz člana 4. Odluke i ocjenjuje od 0-5 bodova na osnovu posebnih, dolje navedenih kriterija:

Obrazloženje vjerodostojnosti

- Utvrđena vjerodostojnost organizacije za korisno ulaganje novca
- Utvrđena uloga odgovorne osobe
- Utvrđena kompetentnost organizacije i njezinog osoblja u djelatnostima za koje se traži podrška

Opis problema

- pokazuje razuman pristup problemu
- dokazuje potrebe korisnika odgovarajućim podacima
- utvrđuje trenutne potrebe projekta/programa za sredstvima

Ciljevi

- opisuje mjerljiva dostignuća koja treba ostvariti
- izvodi su s obzirom na sredstva kojima raspolaže organizacija
- dostižni su u razdoblju za koje se daje finansijska podrška

Djelatnosti

- opisuje način na koji će ciljevi biti postignuti
- uključuje broj potrebnog osoblja, vremenski plan i način izbora korisnika
- ukazuje na dobro ekonomisanje sredstvima

Procjena uspjeha

- opisuje postupak za procjenu postizanja ciljeva
- opisuje postupak za procjenu i prilagodbu postizanja ciljeva
- navodi ko će biti odgovoran za procjenu uspjeha
- navodi kako će podaci biti sakupljeni, analizirani i pripremljeni kao izvještaj

Nastavak projekta

- opisuje kako će se projekat finansirati nakon što podrška bude iskorištena
- vjerovatno je da će se projekat nastaviti nakon što prođe razdoblje finansijske podrške

Budžet

- potpun je i tačan
- planirana sredstva su dovoljna za podmirenje troškova djelatnosti kojima će se postići ciljevi
- objašnjava kako će naša finansijska podrška biti iskorištena
- daje podatke o drugim izvorima prihoda
- bit će potpun kada odobrimo našu finansijsku podršku

Član komisije _____

ukupan broj bodova _____.

Odobravam podršku: u cijelosti djelimično ne odobravam nisam siguran

Odluka Komisije, odobravamo podršku: u cijelosti djelimično ne odobravamo

Zatraženi iznos: _____

Odobreni iznos: _____

Uz uslove: Da Ne

Primjedbe: _____

PREDSJEDNIK KOMISIJE

Član 10.

Na osnovu procjene prijedloga projekta udruženja/saveza, Komisija za boračka pitanja, rad, zdravstvo i socijalnu politiku dostavlja prijedlog Općinskom načelniku na odobrenje finansiranja projekta.

Član 11.

Nakon odobravanja finansiranja projekata udruženja/saveza od strane općinskog načelnika sačinice se poseban ugovor sa udruženjima/savezima u kojem će biti precizirani svi neophodni elementi za regulisanje međusobnih prava i obaveza u skladu sa ovom Odlukom i pozitivnim zakonskim propisima.

Član 12.

Nakon potpisanog Ugovora o finansiranju projekta općinski načelnik će doznačiti i finansirati sredstva za implementaciju projekta u skladu sa Ugovorom.

Član 13.

Na postupak apliciranja do konačne odluke o finansiranju projekta udruženja/saveza, primjenjivat će se odredbe Zakona o upravnom postupku FBiH ("Službene novine Federacije BiH", broj 2/98 i 48/99).

Član 14.

Nadzor i koordinaciju nad provođenjem Odluke o jedinstvenim kriterijima finansiranja djelatnosti ne vladinih i neprofitnih boračkih udruženja/saveza vršit će Služba za boračka pitanja.

Općinska Služba za boračka pitanja o izvršenom nadzoru će polugodišnje i godišnje izvještavati Općinskog načelnika i Komisiju za boračka pitanja, rad, zdravstvo i socijalnu politiku Općinskog vijeća.

Član 15.

Udruženja/savezi su obavezni dva puta godišnje podnositi finansijski izvještaj o utrošku o od ukupno dodjeljenih sredstava za redovnu djelatnost i projektne aktivnosti iz Budžeta Općine po ovoj Odluci, uz mišljenje Službe za boračka pitanja o izvršenom nadzoru i dostaviti Komisiji za boračka pitanja, rad, zdravstvo i socijalnu politiku Općinskog vijeća.

Član 16.

Komisija za boračka pitanja, rad, zdravstvo i socijalnu politiku Općinskog vijeća razmatra podnesene izvještaje i uz svoju ocjenu iste dostavlja Općinskom vijeću na razmatranje i usvajanje. Udruženja/savezi koji se kod korištenja sredstava iz Budžeta Općine ne budu pridržavali odredaba ove Odluke, neće imati pravo učesća za dodjel u sredstava za narednu budžetsku godinu i morat će izvršiti povrat neopravdano utrošenih dodijeljenih sredstava, a u slučaju da neuredno vode poslovne knjige u skladu sa Opće prihvaćenim računovodstvenim principima i da ne sastavljaju i ne dostavljaju finansijske izvještaje u skladu sa relevantnim zakonima i ovom Odlukom, Služba nadzora će informisati nadležno ministarstvo o preduzimanju mjera u skladu sa Zakonom o udruženjima i fondacijama BiH.

Član 17.

Ova Odluka stupi na snagu osmog dana od dana objavljivanja u "Službenim novinama Kantona Sarajevo".

Broj 01-02-2363/09-4
28. decembra 2009. godine
Iliđža

Predsjedavajuća
Dr. Smiljana Viteškić, s. r.

PRIJEDLOG

Na osnovu člana 13. Zakona o principima lokalne samouprave u Federaciji Bosne i Hercegovine („Službene novine Federacije BiH“, broj 49/06, 51/09) i člana 85. i 86. Statuta Općine Ilidža - Prečišćeni tekst („Službene novine Kantona Sarajevo“, broj: 33/10 i 18/16), na prijedlog Službe za finansije, Općinsko vijeće Ilidža na _____ redovnoj sjednici održanoj dana _____ 2021. godine donijelo je

ODLUKU O IZMJENAMA I DOPUNAMA ODLUKE O JEDINSTVENIM KRITERIJIMA FINANSIRANJA DJELATNOSTI NEVLADINIH I NEPROFITNIH BORAČKIH UDRUŽENJA/SAVEZA

Član 1. (Izmjena člana 1.)

U Odluci o jedinstvenim kriterijima finansiranja djelatnosti nevladinih i neprofitnih boračkih udruženja/saveza („Službene novine Kantona Sarajevo“, broj: 36/09) član 1. mijenja se i glasi:

„Član 1.

Ovom odlukom utvrđuju se jedinstveni kriteriji finansiranja nevladinih, neprofitnih boračkih udruženja/saveza od općinskog društvenog interesa i značaja koji su registrirani kod nadležnih ministarstava, imaju sjedište na području općine Ilidža i provode aktivnosti za boračku populaciju.“

Član 2. (Izmjena člana 2.)

Član 2. mijenja se i glasi:

„Član 2.

- (1) Pravo na dodjelu sredstava imaju udruženja/savezi koji ispunjavaju sljedeće opće uslove:
 - a) da su osnovane i registrovane u Bosni i Hercegovini,
 - b) da imaju sjedište na području Općine,
 - c) da svoje aktivnosti razvijaju na području Općine,
 - d) da su projekti namijenjeni građanima Općine,
 - e) da udruženja/savezi nisu obavljali i ne obavljaju aktivnosti u ime političke partije,
 - f) da su po prethodnim javnim pozivima ispunili obavezu podnošenja narativnog i finansijskog izvještaja o namjenskom utrošku sredstava.
- (2) Posebni kriteriji za finansiranje boračkih udruženja/organizacija i saveze su:
 - a) Broj izdatih članskih knjižica i plaćene članarine za prethodnu godinu,
 - b) Broj zaposlenih u udruženju ili organizaciji,
 - c) Specifične potrebe članova udruženja/saveza,
 - d) Ostvareni direktni prihodi, nefinansijska i materijalna korist ili pomoć sa vanjskih izvora prihoda (viših nivoa vlasti, privatnog sektora, javnih ustanova, međunarodnih organizacija i institucija) prethodne godine udruženja/saveza,
 - e) Prihodi od nesrodne djelatnosti ili posebno osnovanog pravnog lica prethodne godine udruženja/saveza,
 - f) Broj uspješno implementiranih projekata prethodne godine udruženja/saveza.
- (3) Obavezna dokumentacija koja se treba dostaviti prilikom prijave za dodjelu sredstava je:
 - a) Popunjeni prijavni obrasci koji će biti u prilogu javnog poziva,
 - b) rješenje o registraciji (Aktuelni izvadak iz Registra ne stariji od 3 mjeseci),
 - c) uvjerenje o poreskoj registraciji – identifikacioni broj,

- d) uvjerenje o izmirenim poreskim obavezama i izmirenim porezima i doprinosim za zaposlenike (ne starije od 3 mjeseca),
 - e) finansijski izvještaj za prethodnu godinu, ovjeren od strane nadležne agencije za finansijsko poslovanje i licenciranog i ovlaštenog knjigovođe,
 - f) Program rada i finansijski plan udruženja za tekuću godinu usvojen od strane nadležnog tijela udruženja/neprofitne organizacije.
 - g) I druga dokumentacija propisana javnim pozivom.
- (4) Organizacije koje nisu dostavili narativni i finansijski izvještaj o utrošku sredstava za prethodne godine, ne mogu biti prihvaćeni za finansiranje/sufinansiranje naredne tri godine.“

Član 3.
(Izmjena člana 4.)

U članu 4. briše se „Iznos zatraženih sredstava za implementaciju projekta ne smije prelaziti 15.000KM“.

Član 4.
(Izmjena člana 5.)

U članu 5., briše se : „Javni poziv za apliciranje dodjele sredstava za redovnu djelatnost objavljuje se 1.novembra tekuće godine i traje 15(petnaest) dana od dana objavljivanja.“

Član 5.
(Stupanje na snagu Odluke)

Ova odluka stupa na snagu narednog dana od dana objavljivanja u "Službenim novinama Kantona Sarajevo", a primjenjuje se od 01. aprila 2021.godine.

PREDSJEDAVAJUĆI

Tarik Stambolić, magistar poslovnog prava

Broj _____
_____ 2021.godine
Ilidža

OBRAZLOŽENJE:

I PRAVNI OSNOV

Pravni osnov za donošenje Odluke su:

- član 13. Zakona o principima lokalne samouprave u Federaciji Bosne i Hercegovine („Službene novine Federacije BiH“, broj 49/06, 51/09) i
- član 85. i 86. Statuta Općine Ilidža - Prečišćeni tekst („Službene novine Kantona Sarajevo“, broj: 33/10 i 18/16).

II RAZLOZI ZA DONOŠENJE

Shodno Zaključku Kolegija 01-02-75/21 od 12.02.2021.godine, potreba za izmjenom ove Odluke je zbog transparentnog utroška sredstava namijenjenih za grant za boračka udruženja/saveze putem javnih poziva i neophodna je radi implementacije ove odluke i realizacije utroška granta.

U prijedlogu izvršene su kozmetičke i tehničke izmjene u članu 1., suština člana se nije promijenila.

U članu 2. preciznije je uređeno ko ima pravo na dodjelu sredstava, kao i obavezna dokumentacija kao opći uslov za finansiranje redovnih i projektnih djelatnosti udruženja.

Takođe, briše se stavka u kojoj se traži izvještaj nezavisne revizorske kuće za prethodnu godinu, s obzirom da udruženja/savezi nisu privredna društva i dodatno iziskuje finansijska sredstva udruženja/saveza za izvršavanje ove obaveze.

Briše se iznos sredstava traženih u prijavi projektnog prijedloga te će se preciznije definisati u javnom pozivu u skladu sa predviđenim sredstvima za ovu namjenu.

U članu 5. se briše datum objave javnog poziva, kako bi isti mogao biti raspisan u skladu sa terminima donošenja budžeta za tekuću godinu.

Shodno prethodno navedenom, Služba za finansije predlaže Općinskom vijeću Ilidža da usvoji predloženu Odluku o izmjenama i dopunama Odluke o jedinstvenim kriterijima finansiranja djelatnosti nevladinih i neprofitnih boračkih udruženja/saveza radi efikasnije implementacije budžetskih sredstava namijenjenih za boračka udruženja/saveze.

III POTREBNA FINANSIJSKA IZDVAJANJA

Planirana su sredstva u Budžetu Općine Ilidža za 2021. godinu za realizaciju ove Odluke.

IV PRILOG

- Odluka o jedinstvenim kriterijima finansiranja djelatnosti nevladinih i neprofitnih boračkih udruženja/saveza („Službene novine Kantona Sarajevo“, broj: 36/09),
- Prijedlog Odluke o izmjenama i dopunama Odluke o jedinstvenim kriterijima finansiranja djelatnosti nevladinih i neprofitnih boračkih udruženja/saveza.